



## **GRADONAČELNIK**

**Broj:** 02-24-04741-2025 – 40

**Datum:** 15.06.2026. godine

Na osnovu Zaključka Gradskog vijeća Grada Gračanica, broj 01-04-02334-2026 od 04.06.2026. godine, o usvajanju Nacrta Programa kapitalnih investicija Grada Gračanica za period 2026.-2028.godina („Službeni glasnik Grada Gračanica“ 5/2026), Grad Gračanica o b j a v l j u j e

### **JAVNI POZIV**

za učešće u javnoj raspravi o Nacrtu  
Programa kapitalnih investicija Grada Gračanica za period 2026.-2028.godina

Grad Gračanica u toku provođenja aktivnosti na izradi Programa kapitalnih investicija za period 2026.-2028.godina. Grad Gračanica poziva sve zainteresovane da uzmu učešće u javnoj raspravi o Nacrtu dokumenta koja traje 60 dana u periodu od 16.06.2026. do 14.08.2026. godine, te svojim mišljenjem, prijedlozima, sugestijama i komentarima doprinesu izradi ovog dokumenta.

Glavni događaj javne rasprave održat će se dana 03.08.2026. godine (ponedjeljak) u Multimedijalnoj sali Gradske uprave Grada Gračanica sa početkom u 10:30 sati.

### **Obrazloženje**

Proces izrade počeo je u decembru 2025. godine donošenjem Odluke o pretpostavkama, načelima i načinu izrade Programa kapitalnih investicija Grada Gračanica broj 02-24-03305-1-2025 od 02.12.2025 godine, zatim je donesena Odluka o imenovanju Koordinacionog tima za izradu Programa kapitalnih investicija Grada Gračanica broj 02-24-03305-2-2025 od 07.01.2026. godine („Službeni glasnik Grada Gračanica“ 05/2026), a radi usklađivanja ciklusa planiranja sa trogodišnjim i godišnjim planiranjem i upravljanjem razvojem, Gradonačelnik je donio odluke o izmjenama i dopunama navedenih odluka, kojima se mijenja period važenja dokumenta pa umjesto za petogodišnji period 2026.-2030. godina, Program kapitalnih investicija se odnosi na trogodišnji period 2026.-2028. godina.

Horizontalna i vertikalna koordinacija izrade PKI 2026.-2028. godine osigurana je kroz Koordinacioni tim za izradu PKI 2026.-2028. u sastavu:

1. Sadmir Džebo, gradonačelnik grada Gračanica - predsjednik tima,
2. Osman Nurkić, savjetnik gradonačelnika za ekonomsko-finansijske poslove i razvojno programiranje - član,
3. Aida Hodžić, šef Službe za prostorno uređenje, geodetske i imovinsko-pravne poslove - član,
4. Mirsad Šabić, stručni savjetnik za poslove lokalnog razvoja i podršku razvoju MSP - član,
5. Jelka Milisavljević, stručni saradnik za prostorno planiranje - član,
6. Vanesa Mahmutović, šef Odsjeka za budžet i javne nabavke - član,
7. Nejra Naimkadić, šef Odsjeka za razvojne projekte i evropske integracije - član,
8. Omer Ahmetović, vijećnik u Gradskom vijeću Grada Gračanica - član,

9. Edina Omerčić, predstavnik Udruženja poljoprivrednika, poljoprivrednih inženjera i tehničara - član,
10. Esmir Mulić, član Upravnog odbora Udruženja poslodavaca i samostalnih privrednika Gračanica - član,
11. Hafiza Mehanović, predsjednik Udruženja građana Omladinski kulturni centar „Bosna Art“ Stjepan Polje – član,

a Lejla Čolo, BA ekonomije, stručni saradnik za poslove lokalnog razvoja i podršku razvoju MSP je sekretar Koordinacionog tima.

Koordinacioni tim je u svojim aktivnostima održao sastanak, putem kojeg je osigurano učešće zainteresovanih strana, na kojem je razmatrao i usvojio: Pravilnik o radu koordinacionog tima, Odluku o usvajanju Odluke o kriterijim rangiranja investicionih projekata za izradu Programa kapitalnih investicija grada Gračanica, Dinamiku rada koordinacionog tima za izradu PKI grada Gračanica, Jedinствен obrazac – aplikacija – Prijedlog za investiranje. Koordinacioni tim je bodovao nove projekte koji nisu bili ranije bodovani nakon čega je sačinjen Nacrt PKI 2026.-2028.

Gradsko vijeće Grada Gračanica na 19. sjednici održanoj 04.06.2026.godine razmatralo je i usvojilo Nacrt Programa kapitalnih investicija za period 2026.-2028.godina Zaključkom broj 01-04-02334-2026 te istu stavlja na javnu raspravu.

Javnu raspravu o Nacrtu dokumenta će provesti Služba za poduzetništvo, lokalni razvoj i finansije, a Nacrt PKI 2026.-2028. objavljen je na web stranici [www.gracanica.gov.ba](http://www.gracanica.gov.ba), dostavljen svim Vijećima mjesnih zajednica na području grada Gračanica, te se primjerak Nacrta PKI 2026.-2028. može dobiti i na info pultu prijemne kancelarije (prizemlje Nove zgrade Gradske uprave).

Da bi Koordinacioni tim mogao provoditi aktivnosti izmjena i dopuna Nacrta PKI 2026.-2028. podsjećamo Vas na odredbu da vrijednost prijedloga za investiranje ne može biti manji od 10.000,00 KM i na usvojene kriterije za ocjenu prijedloga razvojnih projekata zajednice i dodijelenu težinu-broj bodova svakom kriteriju.

Koordinacioni tim će odlučivati samo o projektima koji su u skladu sa nadležnostima Grada i Strategijom razvoja Grada Gračanica i koji ispunjavaju najmanje jedan od sljedećih kriterija za ocjenjivanje projekata za PKI 2026.-2028.:

R.b.	Kriterij za ocjenjivanje projekata	Težina kriterija
1.	uticaj na ekonomski razvoj	20
2.	uticaj na zapošljavanje i dugoročna samoodrživost projekta	20
3.	teritorijalna širina i korist	15
4.	spremnost stanovništva da vlastitim sredstvima sufinansira projekat	15
5.	obezbjedenje sredstava izvan budžeta grada	10
6.	donosi nove budžetske prihode	10
7.	stepen ulaganja Grada na tom području u prethodnom periodu	5
8.	ekološki uticaj na okolinu	5

Pravo i uslovi predlaganja projekata za PKI 2026.-2028.:

- pravo predlaganja novih projekata, izmjene podataka o projektima koji su uvršteni u Nacrtu PKI 2026.-2028. ili brisanja istih imaju svi građani, udruženja građana, predstavnici mjesnih zajednica, privatni preduzetnici i ostali subjekti,
- podnosioci Prijedloga za investiranje popunjavaju samo prvu stranu jedinstvenog obrasca, a drugu stranu službe Gradske uprave Grada Gračanica,
- obrasci za predlaganje projekata potpuno popunjeni, u suprotnom prijedlozi projekata se neće razmatrati.

Pod pojmom kapitalne investicije podrazumijeva se projekat koji zahtijeva veća finansijska ulaganja i čija realizacija traje duži vremenski period. Kapitalna investicija predstavlja novostvorenu vrijednost koja utiče na poboljšanje društvenog standarda odnosno ostvaruje javne interese.

Pozivamo Vas da u skladu sa Odlukom o javnim raspravama („Službeni glasnik Grada Gračanica“ 02/2022) doprinesete izradi što kvalitetnijeg dokumenta, te Vaše mišljenje, prijedloge, komentare i sugestije za izmjene i dopune Nacrta dokumenta Programa kapitalnih investicija Grada Gračanica za period 2026.-2028.godina dostavite najkasnije do 14.08.2026. godine, elektronskim putem na

e-mail adrese: [o.nurkic@gracanica.gov.ba](mailto:o.nurkic@gracanica.gov.ba) i/ili [l.colo@gracanica.gov.ba](mailto:l.colo@gracanica.gov.ba), ili online forme ili direktno na info pult prijemne kancelarije (prizemlje Nove zgrade Gradske uprave) svakim radnim danom u terminu od 07:30 do 16:00 sati ili putem pošte na adresu:

**GRAD GRAČANICA**

**Služba za poduzetništvo, lokalni razvoj i finansije**

**Mula Mustafe Bašeskije br. 1**

**75 320 Gračanica**

**sa naznakom: „Za Nacrt PKI 2026.-2028.“**

Za sva dodatna pitanja možete nas kontaktirati na telefon broj: 035 700 803 ili 035 700 825.

S poštovanjem,

U prilogu Poziva je:

- Nacrt Programa kapitalnih investicija Grada Gračanica za period 2026.-2028.godina
- Program javne rasprave o Nacrtu PKI Grada Gračanica i
- Jedinstven obrazac prijedloga za investiranje.

Objavljeno na:

- Web stranici Grada Gračanica
- Oglasnoj ploči - zgrada Gradske uprave
- Radio Gračanica

**Gradonačelnik**

Sadmir Džebo, s.r.